

Data: 08.06.2026

PROCESVERBAL- Tipi i kontratës - Mallra

**PËR ARGUMENTIMIN DHE MIRATIMIN E SPECIFIKIMEVE TEKNIKE DHE
KRITEREVE PËR KUALIFIKIM**

(Ky procesverbal është për efekt publikimi bashkë me dokumentet e tenderit)

OBJEKTI I PROCEDURËS: “Blerje orendish edhe pajisjesh për mobilim për Drejtorinë e Administratës Publike”

KODI PËRKATËS NË FJALORIN E PËRBASHKËT TË PROKURIMIT(FPP) Mobilje për zyra 39130000-2

VLERA E FONDIT LIMIT: 5,597,894 (pesë milion e pesëqind e nëntëdhjetë e shtatë mijë e tetëqind e nëntëdhjetë e katër) lekë pa tvsh.

Në bazë të nenit 21, pika 2, të Ligjit nr.162/2020 “Për prokurimin publik” (të ndryshuar) nenit 2, pika 2/c dhe nenit 78, pika 2, të VKM-së nr. 285, datë 19.05.2021 “Për miratimin e rregullave të prokurimit publik” (i ndryshuar), Autoriteti/Enti Kontraktor, Operatori i Blerjeve të Përqëndruara në rolin e Organit Qëndror Blerës, ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

I. KRITERET E VEÇANTA TË KUALIFIKIMIT

1. Ofertuesi duhet të paraqesë:

a. Formularin Përmbledhës të Vetëdeklarimit, sipas Shtojcës 9;

b. Sigurimin e Ofertës, sipas Shtojcës 4;

***Argumentimi:** Kriteret e mesiperme janë vendosur në përputhje me Nenin 82 “Formulari përmbledhës i vetdeklarimit” dhe Neni 83 “Sigurimi i ofertës”, të Ligjit Nr.162/2020 “Për Prokurimin Publik” i ndryshuar si dhe në mbështetje të nenit 26, nenit 30, pika 1, të VKM-së Nr.285, datë 19.5.2021 “Për Miratimin e Rregullave të Prokurimit Publik: citojmë Neni 83 i LPP “Autoriteti kontraktor duhet të kërkojë paraqitjen e sigurimit të ofertës nga ofertuesit në të gjitha llojet e procedurave të prokurimit, me përjashtim të procedurave të prokurimit me vlerë të vogël”,*

Neni 82, i LPP “1. Bashke me dorezimin e kerkesave per pjesemarrje ose te ofertave, autoritetet ose entet kontraktore pranojne si prove paraprake ne vend te disa vertetimeve te leshuara nga autoritetet publike ose pale te treta, formularin permbledhes te vetdeklarimit, sipas parashikimeve te ketij ligji. Permbajtja e ketij formulari percaktohet ne rregullat e prokurimit publik”.

2. Kandidati/Ofertuesi duhet të dorëzojë:

2.1 Kapacitetin profesional të operatorëve ekonomikë:

Referuar pikës 1 të shtojcës 8, ofertuesi duhet të deklarojë se përmbush kriteret e përgjithshme të pranimit/kualifikimit. Këto kritere duhet të plotësohen me dorëzimin e vetëdeklaratës me shkrim të subjektit, në ditën e hapjes së ofertës, sipas Shtojcës 9.

Argumentimi: Kërkesa e mësipërme bazohet në nenin 76 të ligjit nr. 162, datë 23.12.2020 “Për prokurimin publik” të ndryshuar dhe nenit 25 të VKM-se nr. 285, datë 19.05.2021 “Për miratimin e Rregullave të Prokurimit Publik” të ndryshuar.

2.2. Kapaciteti ekonomik dhe financiar:

1. Operatorët ekonomikë duhet të paraqesin, vërtetim për xhiron vjetore për vitet financiare (2023, 2024, 2025), ku vlera e xhiros për të paktën një nga vitet e periudhës së kërkuar duhet të jetë **jo më e vogël se 40 % e vlerës së fondit limit të objektit që prokurohet**. Kërkesa për plotësimin e kapaciteteve financiare konsiderohet e përmbushur nëse operatorët ekonomikë arrijnë vlerën e xhiros minimale, në të paktën një vit të periudhës së kërkuar nga autoriteti/enti kontraktor.

Argumentimi: Kërkesa e mësipërme është në nenin 77, pika 3, të ligjit nr. 162, datë 23.12.2020 “Për prokurimin publik” të ndryshuar; nenin 43 pika 2/c dhe nenin 55 pika 4 të VKM nr. 285, datë 19.05.2021 “Për miratimin e rregullave të prokurimit publik” të ndryshuar. Përcaktimi i viteve të kërkuara për paraqitjen e vërtetimit të xhiros vjetore është bërë bazuar në pikën 2 të nenit 61, të Ligjit nr.29/2023 “Për tatimin mbi të ardhurat”, të ndryshuar ku përcaktohet se: “ Deklarata tatimore vjetore dorëzohet në organin tatimor jo më vonë se data 31 mars e vitit pasardhës të vitit tatimor për të cilin dorëzohet deklarata”. Vendosja e këtij kriteri bëhet me qëllim krijim e bindjes tek Autoriteti Kontraktor, për aftësinë ekonomike dhe financiare të operatorëve ekonomik ofertues, duke vërtetuar nëpërmjet dokumenteve të kërkuara, se zotërojnë kapacitet ekonomike dhe financiare për të përmbushur kontratën sic është parashikuar nga Autoriteti Kontraktor.

Përcaktimi i vlerës së kërkuar argumentohet si më poshtë: Vlera e kërkuar jo më e vogël se 40% e vlerës së fondit limit është brenda kufirit të përcaktuar në nenin 43 pika 2/c të VKM nr. 285, datë 19.05.2021 “Për miratimin e rregullave të prokurimit publik” të ndryshuar, ku përcaktohet se c) 40 % të vlerës së përlllogaritur të kontratës ose lotit, në procedurat e prokurimit nën kufirin e ulët monetary, dhe në kontratat e shërbimit me natyrë intelektuale, ku nuk mbizotërojnë aspektet fizike të veprimtarisë dhe që kërkojnë ekspertizë të posaçme.”

Referuar sa më sipër duke qënë se vlera e fondit limit është në kufirin e vlerës që i përket llojit të procedurës “Procedurë e hapur të thjeshtuar” edhe vlera e kërkuar për xhiron do të vendoset konform kësaj procedure prokurimi sipas përcaktimit të bërë në nenin 43 pika 2 (c) e VKM Nr 285 dt 19.05.2021 për “Miratimin e rregullave të prokurimit publik” (i ndryshuar).

2.3 Kapaciteti teknik:

2.3.1 Operatori ekonomik duhet të paraqesë dëshmi për furnizimet e mëparshme të ngjashme të kryera gjatë 3 (tre) viteve të fundit **nga data e shpalljes së njoftimit të kontratës**, në vlerën **jo më pak se 20% e vlerës së fondit limit të objektit që prokurohet**. Këto furnizime të mëparshme, të ngjashme, duhet të vërtetohen me dokumentacionin si më poshtë:

- a. Kur furnizimet e ngjashme janë realizuar me ente publike, operatori ekonomik duhet të paraqesë vërtetime të lëshuara nga një ent publik për përmbushjen me sukses të kontratës ose faturat tatimore të shitjes të plotësuara sipas kërkesave të legjislacionit në fuqi dhe të deklaruara në organet tatimore, ku të shënohen datat, shumat dhe sasi të mallrave të furnizuara.
- b. Kur furnizimet e ngjashme janë realizuar me subjekte private, operatori ekonomik duhet të paraqesë faturën përkatëse tatimore të shitjes të plotësuara sipas kërkesave të legjislacionit në fuqi dhe të deklaruara në organet tatimore, ku të shënohen datat, shumat dhe sasi të mallrave të furnizuara.

***Argumentimi:** Kërkesa e mësipërme është përcaktuar bazuar në nenin 77 pika 4 të ligjit nr. 162, datë 23.12.2020 “Për prokurimin publik” të ndryshuar nenit 55, pika 4 gërma (b) të VKM nr. 285, datë 19.05.2021 “Për miratimin e Rregullave të Prokurimit Publik”, të ndryshuar. Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që shërbimet e mëparshme të ngjashme të jenë në vlerën jo më pak se 20 % të vlerës së fondit limit. Kjo vlerë është vendosur duke marrë parasysh përcaktimet e bëra në nenin 55, pika 4 gërma (b) të VKM nr. 285, datë 19.05.2021 “Për miratimin e Rregullave të Prokurimit Publik”, të ndryshuar duke qënë se vlera e fondit limit është brenda kufirit monetar që zhvillohet procedura e hapur e thjeshtuar. Përqindja e kërkuar është konsideruar e nevojshme për të provuar besueshmërinë dhe përvojën e operatorëve ekonomik ofertues, në ofrimin e mallrave të ngjashëm me objektin e prokurimit për realizimin me sukses të kontratës.*

2.3.2 Operatori ekonomik të paraqesë **katalogë / broshurë / skedë teknike të prodhuesit** për artikujt objekt prokurimi ku të përfshihen specifikimet teknike të tyre. Operatori ekonomik duhet të markojë në katalog / broshurë / skedë teknike (për lehtësi identifikimi) artikujt dhe specifikimet teknike sipas atyre të përcaktuara në Shtojcën 6 “Formulari i Specifikimeve Teknike”, në mënyrë që të verifikohet përputhshmëria e tyre me dokumentet e tenderit. (Nëse katalogu/ broshura/skeda teknike paraqitet në gjuhë të huaj duhet të shoqërohet nga një përkthim i noterizuar në gjuhën shqipe).

***Argumentimi:** Ky kriter është vendosur në përputhje me nenin 77 të Ligjit Nr. 162, datë 23.12.2020 “Për prokurimin publik” të ndryshuar dhe pikën 6/b, të nenit 40, të VKM Nr. 285, datë 19.05.2021 “Për miratimin e rregullave të prokurimit publik” të ndryshuar. Kërkesa për paraqitjen e katalogëve /broshurës/ skedës teknike është një kërkesë proporcionale dhe ngushtësisht e lidhur me objektin e prokurimit pasi i jep mundësinë Organit Qendror Blerës për verifikimin e përputhshmërisë së specifikimeve teknike të artikujve të ofertuar nga operatorët ekonomikë me specifikimet teknike të hartuara nga Autoriteti Kontraktor përfitues për llogari të të cilit Organi Qendror Blerës ka tagrin për të zhvilluar procedurën e prokurimit.*

2.3.3 Operatori ekonomik për realizimin e objektit të prokurimit duhet të disponojë stafin me kualifikimet si më poshtë:

1 (një) inxhinier druri, në rast se është prodhues vërtetuar me:

- kontratën individuale të punës (të vlefshme);
- diplomën, që të vërtetojë kualifikimin profesional të mësipërm.

1 (një) marangoz/ mobilier/ montues mobiljesh vërtetuar me:

- kontratën individuale të punës (të vlefshme);
- diplomë/dëshmi që vërteton nivelin e kualifikimit arsimor, lëshuar nga institucione publike/private të licencuara sipas ligjit nr.15/2017 “Për arsimin dhe formimin profesional në Republikën e Shqipërisë” të ndryshuar;

1 (një) Bojaxhi/llustrues për prodhime druri, nëse është prodhues vërtetuar me:

- kontratën individuale të punës (të vlefshme);
- diplomë/dëshmi që vërteton nivelin e kualifikimit arsimor, lëshuar nga institucione publike/private të licencuara sipas ligjit nr.15/2017 “Për arsimin dhe formimin profesional në Republikën e Shqipërisë” të ndryshuar;

2 (dy) punonjës të thjeshtë për veprimtari ndihmëse ngarkim-shkarkim vërtetuar me:

- kontratën individuale të punës (të vlefshme);

-Listëpagesat e punonjësve për muajin e fundit, të deklaruara në organet tatimore nga data e hapjes së ofertave, sipas formës së parashikuara nga legjislacioni tatimor në fuqi.

Shenim: Kriteri nr.2.3.3 konsiderohet i përmbushur me plotësimin e formularit të vetëdeklarimit shtojca 9. Dokumentat e kërkuara më sipër do të paraqiten nga operatori ekonomik i kualifikuar i pari, përpara publikimit të njoftimit të fituesit dhe nisjes së afateve të ankimit ose nëse kërkohen sqarime nga autoriteti kontraktor.

Argumentimi: Në pikën 1 të nenit 77 të LPP përcaktohet se: “1. Autoritetet ose entet kontraktore përcaktojnë kërkesat për kualifikim për operatorët ekonomikë bazuar në: a) përshtatshmërinë për të kryer veprimtarinë profesionale; b) gjendjen ekonomike dhe financiare; c) aftësinë teknike dhe profesionale. Kërkesat kufizohen vetëm në ato që janë të përshtatshme për të garantuar që një kandidat ose ofertues të ketë kapacitetet juridike, financiare dhe aftësitë teknike e profesionale për të zbatuar kontratën që do të jepet. Të gjitha kërkesat duhet të kenë lidhje dhe të jenë proporcionale me objektin e kontratës.” dhe në pikën 4 të tij përcaktohet se: “4. Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie. Autoritetet ose entet kontraktore, në veçanti, mund të kërkojnë që operatorët ekonomikë të kenë një nivel të mjaftueshëm përvojë që vërtetohet nga referenca të përshtatshme nga kontratat e zbatuara në të shkuarën. Aftësia profesionale e operatorëve ekonomikë për të ofruar shërbimin, punën, mallin vlerësohet në lidhje me aftësitë organizative, reputacionin dhe besueshmërinë, përvojën e duhur, si dhe personelin e nevojshëm për të zbatuar kontratën, siç është përshkruar nga autoriteti ose enti kontraktor në njoftimin e objektit të kontratës.” dhe nenit 40, pika 5/b dhe 5/c, të VKM nr. 285, datë 19.05.2021 “Për miratimin e Rregullave të Prokurimit Publik”, të ndryshuar ku përcaktohet se: “5. Për të provuar përshtatshmërinë për të kryer veprimtarinë profesionale, kapacitetet teknike dhe profesionale, autoriteti/enti kontraktor kërkon: b) një listë të personelit kryesor, të nevojshëm

për të zbatuar objektin e prokurimit dhe/ose komponentët e saj. Lista e personelit kryesor duhet të përfshijë CV-të e tyre dhe licencat profesionale, kur kanë të tilla sipas legjislacionit përkatës; dhe/ose c) fuqinë punëtore të operatorit ekonomik të nevojshëm për ekzekutimin e objektit të prokurimit; dhe/ose ...”. Gjithashtu në nenin 42 pika 3 të VKM nr. 285, datë 19.05.2021 të ndryshuar, përcaktohet se: “3. Kur kontratat për punë/mall/shërbim ndahet në lote, autoriteti/enti kontraktor duhet të hartojë kërkesat e veçanta të kualifikimit për secilin lot. Kërkesat duhet të jenë në përpjesëtim dhe të lidhura ngushtë me objektin, natyrën dhe vlerën e lotit.”

Bazuar tek legjislacioni në fuqi për prokurimet publike, kërkon të dëshmojë nga operatorët ekonomikë ofertues së pari, fuqinë punëtore të disponueshme dhe së dyti, zotërimin e kapaciteteve profesionale në varësi të natyrës së specifikimeve teknike të kontratës objekt prokurimi.

Diplome/dëshmi/certifikate kualifikimi profesional, për stafin teknik të mesëm të kërkuar referuar Vendimit nr. 514 datë 20.9.2017 “Për Miratimin e Listës Kombëtare të Profesioneve (LKP), të rishikuar”, duhet të jenë të lëshuara nga institucione të licencuara nga organet përkatëse, mbështetur në Ligjin Nr. 15/2017 “Për arsimin dhe formimin profesional në Republikën e Shqipërisë”, të ndryshuar.

Per Stafin teknik kryesor të kërkuar i referohemi Vendimit 514 datë 20.9.2017 “Për Miratimin e Listës Kombëtare të Profesioneve (LKP), të rishikuar”, si më poshtë:

Punonjësit me specialitet e sipërpërmendura kërkohen në përputhje të plotë me objektin e prokurimit, duke qënë se një pjesë e madhe e artikujve të kërkuara janë mobilje druri ose materiale të tjera MDF, melaminë etj, të cilat do të prodhohen/montohen/asemblohen sipas përmasave dhe specifikimeve teknike të kërkuara në dokumentet e tenderit. Specifikimet teknike shprehin tërësinë e elementeve më të rëndësishme përbërëse, që garantojnë cilësinë e kërkuar, dhe në përputhje të plotë me funksionet e kërkuara nga Autoriteti. Argumentimi për stafin e kualifikuar të kërkuar për realizimin e objektit të prokurimit si më poshtë:

Grupi-njësi (Profesioni)

“Inxhinierë industrial dhe prodhimi” Kodi i profesionit: 2141

Përshkrim i përgjithshëm i grupit të profesioneve “Inxhinierë industrial dhe prodhimi”, niveli i katërt i kompetencës në LKP.

Inxhinieri industrial dhe i prodhimit, studion, dizajnon programe për koordinimin e veprimtarive prodhuese dhe vlerëson nëse janë kosto efektive dhe të sigurta. Ai organizon dhe mbikëqyr procesin e prodhimit me qëllim nxjerrjen e produktit me cilësi të lartë, duke përdorur metodat efektive dhe me kosto të ulët, ndërsa redukton impaktin e dëmshëm tek mjedisi.

Funksionet kryesore

Inxhinierët industrial dhe të prodhimit kryejnë një pjesë ose tërësinë e funksioneve të mëposhtme, sipas mënyrës së organizimit të punës:

- a) Studiojnë dhe dizajnojnë sisteme të reja ergonomike të projektimit të punës dhe procese prodhimi për produkte të reja ose për të përmirësuar ato ekzistuese;
- b) Studiojnë strukturat organizative dhe informacionet e projektit për të përcaktuar funksionet dhe përgjegjësitë e punonjësve dhe për të identifikuar zonat ku nevojitet dublimi i punëtorëve;
- c) Krijojnë programe të matjes së punës së punëtorëve dhe analizojnë kampionë të pjesëve të punës për përcaktuar standardet e përdorimit të punës në tërësi (normat e punës);
- d) Organizojnë procesin e hapjes dhe mbylljes së veprimtarisë prodhuese, për të garantuar sa më pak humbje;
- e) Përcaktojnë specifikimet për prodhimin, tipin e materialeve, pajisjet, tubacionet, rrjedhën e materialeve, kapacitetet etj. për procesin industrial dhe të prodhimit;

- f) Vendosin standarde dhe politika për instalime, modifikime, kontrollin e cilësisë, testime, inspektime dhe mirëmbajtjen e impiantit në përputhje me parimet inxhinierike dhe rregullat e sigurisë në punë;
- g) Inspektojnë procesin e prodhimit dhe japin zgjidhje për problematikat e hasura gjatë tij;
- h) Bashkëpunojnë me profesionistë të tjerë për të maksimizuar produktin, për të manaxhuar buxhetin, për të rekrutuar punonjës të kualifikuar, si dhe për t'i trajnuar ata;
- i) Ekzaminojnë dhe tenderojnë pajisje të reja për të garantuar cilësi të lartë me çmimin më të mirë;
- j) Drejtojnë mirëmbajtjen e ndërtesave dhe pajisjeve dhe koordinojnë kriteret për projekte të reja dhe grafikë të rinj të mirëmbajtjes.
- k) Aplikojnë teknologjitë e avancuara inxhinierike për të përmirësuar produktin;
- l) Zbatojnë rregullat e sigurimit teknik në punë dhe rregullat e mbrojtjes së mjedisit;
- m) Menaxhojnë personelin ndihmës;
- n) Rritin aftësitë e veta profesionale.

Kërkesat për punësim

- a. Arsim i lartë, Inxhinieri prodhimi;
- b. Aftësi analitike dhe komunikuese.

Informacion shtesë

Kualifikimet pasuniversitare përbëjnë avantazh në punësim dhe zhvillim karriere. Një individ mund ta nisë punën si një teknik inxhinierik për makineri prodhuese dhe industriale. Për këtë nevojitet arsim profesional para universitar. Me kryerjen e arsimit të lartë në Inxhinieri mund të punësohet si Inxhinier industrial dhe prodhimi. Me kualifikime dhe eksperiencë pune ai mund të marrë detyra drejtuese në sektorin ku realizon projektet inxhinierike. Mund të punojë edhe në institucione shkencore e kërkimore.

Shembuj të punësimeve të përfshira në këtë profesion që klasifikohen në Listën Kombëtare të Profesioneve:

2141.01 Inxhinier druri; 2141.02 Inxhinier për regjien e lëkurëve; 2141.03 Inxhinier planimetrie 2141.04 Inxhinier prodhimi; 2141.05 Inxhinier qelqi; 2141.06 Inxhinier qeramike; 2141.07 Inxhinier robotike; 2141.08 Inxhinier sigurimi teknik; 2141.09 Inxhinier sistemesh jo informatike; 2141.10 Inxhinier stampimi; 2141.11 Inxhinier tekstilësh; 2141.12 Inxhinier efikasiteti industrial.

Shembuj të profesioneve/punësimeve të ngjashëm që klasifikohen në nivele të ndryshme të kompetencës në Listën Kombëtare të Profesioneve:

2141.01 Inxhinier druri; 3119.06 Teknik i lartë druri; 6210 Punonjës të pyjeve dhe sharrëxhinj 7122.03 Shtrues dyshemeje me pllaka druri; 7233.11 Montues për makina drupunuese; 7319 Punonjës të punimeve me dorë të drurit, shportave dhe të tjera të ngjashme; 7521 Punëtorë të përpunimit të drurit; 7522 Prodhues i mobilieve dhe të tjerë të ngjashëm; 7523 Punëtor dhe montues të makinave drupunuese; 8111.15 Punëtor armature druri në gurorë; 8172 Punëtorë të industrisë së përpunimit të drurit; 8215 Montues të prodhimeve prej druri; 9215.01 Prerës drurësh pyjor

Grupi-njësi (Profesioni)

“Prodhues i mobilieve dhe të tjerë të ngjashëm; Kodi i profesionit: 7522

Përshkrim i përgjithshëm i grupit të profesioneve “Prodhues i mobilieve dhe të tjerë të ngjashëm”, niveli i dytë i kompetencës në LKP.

Prodhuesi i mobilieve dhe të tjerë të ngjashëm bën përpunimin e drurit për prodhime gjysmë të gatshme, si dhe përpunimin e elementëve gjysmë të gatshme (melaminës, kompensatës, MDF, fibrës, etj.) në elementë për prodhimin e dyerve, mobilieve të ndryshme, prodhimeve artistike, riparimeve, prodhimin e varkave prej druri, tapiceri etj. Prodhuesi i mobilieve mund të punësohet në ndërmarrje të ndryshme si prodhues ose në mirëmbajtje, reparte dhe mini-reparte të ndryshme prodhimi mobiliesh, të vetëpunësohet etj.

Funksionet kryesore:

Prodhuesit e mobilieve dhe të tjerë të ngjashëm kryejnë një pjesë ose tërësinë e funksioneve të mëposhtme, sipas mënyrës së organizimit të punës:

- a) Komunikojnë me klientët për të realizuar kërkesat e tyre;*
- b) Konsultohen me kolegët për porositë e marra nga klientët, si dhe për mbarëvajtjen e punës;*
- c) Kryejnë matjet e nevojshme, duke përdorur instrumentet përkatës;*
- d) Bëjnë skicime të ndryshme;*
- e) Bëjnë preventiv për punimet e ndryshme që realizohen në njësinë e biznesit;*
- f) Parapërgatitin vendin e punës (kontrollojnë makineritë, pastrojnë vendin e punës etj.);*
- g) Përpunojnë detalet prej druri me M.D.F. dhe me melamin;*
- h) Përpunojnë tabelën e prerjes;*
- i) Bëjnë shënimin dhe prerjen e materialit me mbishtesa;*
- j) Kalojnë detalin në plan groset dhe bëjnë shkurtimin në përmasa neto;*
- k) Kryejnë punime për frezim, sipas tabelës së prerjes;*
- l) Kryejnë punime për birim, tabelës së prerjes;*
- m) Kryejnë punime për zbusim, sipas tabelës së prerjes;*
- n) Kryejnë punime për montimin në të thatë dhe me lëndë ngjitëse;*
- o) Bëjnë lustrimin e produktit dhe montimin e aksesorëve;*
- p) Kryejnë montimin e aksesorëve;*
- q) Kryejnë punime smerilimi;*
- r) Kryejnë kontrollin përfundimtar të produktit, duke përdorur vegla dore dhe pajisje të nevojshme për matje;*
- s) Bëjnë paketimin e produktit;*
- t) Zbatojnë rregullat e sigurimit teknik dhe të mbrojtjes së mjedisit.*

Kërkesat për punësim

- a. Zakonisht kërkohet përfundimi i një kualifikimiprofesional në këtë fushë;*
- b. Të jetë e/i aftë fizikisht dhe mendërisht.*

Informacion shtesë

- a. Një individ mund të hyjë në profesion si ndihmës punëtor. Me fitimin e eksperiencës dhe me kualifikim shtesë mund të kalojë në nivelin punëtor i kualifikuar. Më pas nëpërmjet kualifikimit të mëtejshëm në shkollat profesionale dhe teknike apo trajnimin nëpërmjet punës, një prodhues i mobilieve mund të ndërmarrë disa funksione mbikëqyrëse duke ngritur shkallët e karrierës në nivel teknik. Ndjekja e shkollës së lartë, çon në diplomimin e specialistëve të këtij profesioni në nivelin inxhinier druri, dega përpunim druri.*
- b. Për të zhvilluar aktivitet privat (vetëpunësim) në fushën e përpunimit të drurit duhet regjistrimi për ushtrim aktiviteti si person fizik apo juridik, sipas rastit.*
- c. Punonjësit në këtë profesion mund të specializohen në fushat e mëposhtme, të tilla si: makinist për përpunimin e drurit, montues mobiliesh, prodhues i lëndës së sharruar, projektues për prodhimin e mobilieve, karpentier, mirëmbajtës të prodhimeve prej druri etj.*

Shembuj të punësimeve të përfshira në këtë profesion që klasifikohen në Listën Kombëtare të Profesioneve:

7522.01 Aplikues kompensate;7522.02 Fuçipunues;7522.03 Gdhendës druri;7522.04 Lustrues i mobilieve;7522.05 Lyerës i mobilieve;7522.06 Mobilier;7522.07 Ndërtues karkase makine druri;7522.08 Ndërtues karrocërish druri;7522.09 Ndërtues rimorkio druri;7522.10 Prodhues bastunësh;7522.11 Prodhues bazament pianoje;7522.12 Prodhues bucelash;7522.13 Prodhues i instrumenteve muzikore prej druri (çifteli, lahuta, mandolina etj.);7522.14 Prodhues i produkteve prej druri;7522.15 Prodhues karrigesh;7522.16 Prodhues karrocash;7522.17 Prodhues këpucësh me taban druri;7522.18 Prodhues kornize fotografish/pikturash;7522.19 Prodhues kutish të ndryshme;7522.20 Prodhues llullash;7522.21 Prodhues mobiliesh të ndryshme;7522.22 Prodhues modele druri;7522.23 Prodhues pajisjesh sporti druri;7522.24 Prodhues pajisjesh zburimesh druri;7522.25 Prodhues shkalle druri;7522.26 Prodhues

tavolinash;7522.27 Shtrues dysHEMEJE druri;7522.28 Tapicier;7522.29 Zdrukthëtar;7522.30 Modelues mobiliesh

Shembuj të profesioneve/punësimeve të ngjashme që klasifikohen në Listën Kombëtare të Profesioneve:

*7115 Karpentierë/zdrukthëtarë dhe të tjerë të lidhur me të;7319 Punonjës të punimeve me dorë të drurit, shportave dhe të tjera të ngjashme;7521 Punëtorë të përpunimit të drurit;7523 Punëtor dhe montues të makinave drupunuese;8172 Punëtorë të industrisë së përpunimit të drurit
8215 Montues të prodhimeve prej druri;8219 Montues të tjerë jo të klasifikuar diku tjetër*

Grupi-njësi (Profesioni) “Shoferë makinash, taksish dhe furgonësh” Kodi i profesionit: 8322

Përshkrim i përgjithshëm i grupit të profesioneve “Shoferë makinash, taksish dhe furgonësh”, niveli i dytë i kompetencës në LKP.

Shoferi i makinave, taksive dhe furgonave merret me transportin e udhëtarëve, mallrave, postës, etj. Ai drejton mjetet motorike duke u kujdesur për një transport të sigurt dhe të përshtatshëm duke zbatuar rregullat e transportit të udhëtarëve dhe të mallrave. Ai mund të punësohet në kompani shërbimesh të ndryshme, shërbimesh transporti apo të vetëpunësohet.

Funksionet kryesore Shoferët e makinave, taksive dhe furgonave kryejnë një pjesë ose tërësinë e funksioneve të mëposhtme, sipas mënyrës së organizimit të punës: a) Kontrollojnë mjetin motorik para fillimit të punës; b) Drejtojnë mjetet motorike për të transportuar udhëtarë, mallra, postën etj; c) Kujdesen për transportimin sigurt të mallrave dhe udhëtarëve; d) Ndihmojnë pasagjerët për bagazhet e tyre; e) Kontrollojnë çmimet dhe pagesat për dërgesat ose dokumente që vërtetojnë dërgesat dhe grumbullojnë pagesat përkatëse; f) Përdorin pajisjet operative të telekomunikacionit për të raportuar vendndodhjen dhe disponueshmërinë e tyre; g) Ndjekin udhëzimet e kontrollit të qendrës së shoqërisë së transportit; h) Përcaktojnë rrugën më të përshtatshme për të arritur në destinacion; i) Ndihmojnë pasagjerët me aftësi të kufizuara fizike, në lëvizjet e tyre; j) Përdorin pajisje për të lehtësuar ngarkimin dhe shkarkimin e mallrave apo lëvizjen e udhëtarëve me aftësi të kufizuara fizike; k) Zbatojnë rregulloren e transportit rrugor për mallra dhe udhëtarë; l) Kryejnë shërbime të mirëmbajtjes periodike të mjetit motorik; m) Bëjnë llogaritjet dhe plotësimin e faturës përkatëse për punën e kryer; n) Pastrojnë dhe mirëmbajnë mjetin e punës dhe e lënë atë në gjendje të gatshme për punë; o) Realizojnë detyra të ngjashme; p) Mbikëqyrin punëtorët e tjerë; q) Zbatojnë rregullat e sigurimit teknik dhe të mbrojtjes së mjedisit.

Kërkesat për punësim a. Të jetë e/i pajisur me leje drejtimi të nivelit të kërkuar nga organet përkatëse. b. Zakonisht kërkohet përfundimi i një shkollë profesionale në këtë fushë. c. Të ketë kryer një kurs formimi profesional për këtë fushë përbën avantazh. d. Të jetë e/i aftë fizikisht dhe mendërisht.

Informacion shtesë Një individ mund të hyjë në profesion si ndihmës punëtor. Me fitimin e eksperiencës dhe me kualifikim shtesë mund të kalojë në nivelin punëtor i kualifikuar. Më pas nëpërmjet kualifikimit të mëtejshëm në shkollat profesionale dhe teknike apo trajnimit nëpërmjet punës, një drejtues i makinave, furgonëve dhe motoçikletave mund të ndër marrë disa funksione mbikëqyrëse duke ngritur shkallët e karrierës në nivel mbikëqyrësi. Ndjekja e shkollës së lartë, çon në diplomimin e specialistëve të këtij profesioni në nivelin inxhinier mekanik. Për të zhvilluar aktivitet privat (vetëpunësim) në fushën e transportit duhet leje drejtimi për mjetin përkatës dhe regjistrimi për ushtrim aktiviteti si person fizik apo juridik, sipas rastit. Punonjësit në këtë

profesion mund të specializohen në fushat e mëposhtme, të tilla si: shofer ambulance, shofer kamionçine, shofer taksie, shoferë furgonësh etj.

“Punëtorë në miniera, ndërtim, industri e transport” Kodi i profesionit: 93

Përshkrim i përgjithshëm i grupit të profesioneve “Punëtorë në miniera, ndërtim, industri e transport”, niveli i parë i kompetencës në LKP. Punëtorët në miniera, ndërtim, industri e transport kryejnë detyra të thjeshta dhe rutinë, në miniera, gurorë, ndërtimit, prodhimit, punë transporti, magazinimi, seleksionimi dhe paketimi, duke punuar me krahë, makineri dhe pajisje të pa motorizuara, apo karroca të ndryshme të tërhequra nga kafshë. Ata kryejnë shërbime ndihmëse, kryesisht punë që kërkojnë aftësi fizike dhe pak njohuri. Ata mund të punësohen në kompani të punimeve dhe shërbimeve të ndryshme, apo të vetëpunësohen.

Funksionet kryesore: Punëtorët në miniera, ndërtim, industri e transport kryejnë një pjesë ose tërësinë e funksioneve të mëposhtme, sipas mënyrës së organizimit të punës: a) Kryejnë punë krahu dhe mirëmbajnë gurorët; b) Kryejnë punë krahu dhe mirëmbajnë miniera; c) Kryejnë punë krahu dhe mirëmbajnë hekurudha; d) Kryejnë punë krahu dhe mirëmbajnë diga; e) Kryejnë punë krahu në ndërtim dhe mirëmbajtje rrugësh; f) Kryejnë gërmime dhe heqje dheu me lopatë, duke përdorur mjete dore apo pajisje të thjeshta; g) Kryejnë hapje të kanaleve, puseve të ujit; h) Kryejnë shembje të ndërtimeve me pajisje dore; i) Kryejnë punë krahu në ndërtim; j) Kryejnë mirëmbajtje të ndërtesave të ndryshme; k) Bëjnë mbushje të kontejnerëve dhe rafteve me produktet e duhura; l) Kryejnë punë krahu në industri të ndryshme; m) Kryejnë ambalazhime të ndryshme me dorë; n) Seleksionojnë materiale të ndryshme në vendet e grumbullimit të tyre; o) Ndezin zjarr dhe ndihmojnë në impiante të ngrohjes së ujit; p) Punojnë me karroca dhe pajisje të tjera të pa motorizuara për ngarkim-shkarkim mallrash të ndryshme; q) Drejtojnë dhe punojnë me karroca të ndryshme të tërhequra nga kafshët; r) Ngarkojnë dhe shkarkojnë materiale ndërtimi; s) Ngarkojnë dhe shkarkojnë mallra të ndryshme në anije, në avion, në kamionë, në pajisjet frigoriferike, apo magazina të ndryshme etj; t) Sistemojnë dhe paketojnë mall për transport; u) Realizojnë detyra të ngjashme; v) Mbikëqyrin punëtorët e tjerë; ë) Zbatojnë rregullat e sigurimit teknik dhe të mbrojtjes së mjedisit.

Kërkesat për punësim

- a. Zakonisht kërkohet përfundimi i arsimit të detyruar.
- b. Të jetë e/i aftë fizikisht dhe mendërisht.

“Punëtorë ngarkim-shkarkimi” Kodi i profesionit: 9333

Përshkrim i përgjithshëm i grupit të profesioneve “Punëtorë ngarkim-shkarkimi”, niveli i parë i kompetencës në LKP.

Punëtori ngarkim-shkarkimi zhvendos, ngarkon dhe shkarkon mallra të ndryshme, me krahë dhe pajisje të thjeshta. Ai gjithashtu mbart, ngarkon dhe shkarkon mobilie dhe të sendeve të tjera të ngjashme shtëpiake. Ai ngarkon dhe shkarkon mallra prej anijeve, avionëve, vagonëve si edhe në magazina të ndryshme.

Funksionet kryesore Punëtorët e ngarkim-shkarkimit kryejnë një pjesë apo tërësinë e funksioneve të mëposhtme, sipas mënyrës së organizimit të punës:

- a) Paketojnë orendi shtëpiake apo mobilie zyrrash, pajisje dhe mallra të tjera të ngjashme të cilat duhet të transportohen nga një vend në tjetrin;
- b) Transportojnë mallra për t'u ngarkuar ose shkarkuar nga furgonë, kamionë, vagonë, anije, apo avionë;
- c) Ngarkojnë dhe shkarkojnë drithëra, qymyr, rërë dhe mallra të ngjashme duke i vendosur ato në mjete transportuese si konvejerë apo tuba shkarkimi etj;

- d) Lidhin tubat midis gypave kryesore të instalimit në breg të cisternave, depozitave dhe anije të tjera për të ngarkuar dhe shkarkuar naftë, gaze të lëngshëm dhe lëngje të tjera;
- e) Transportojnë dhe bëjnë stivë mallra në depo dhe ndërtesa të ngjashme; f) Ndajnë dhe klasifikojnë ngarkesa para ngarkimit dhe shkarkimit;
- g) Kryejnë punë të tjera të ngjashme si këto;
- h) Zbatojnë rregullat në mbrojtje të mjedisit dhe shëndetit të njerëzve;
- i) Zbatojnë rregullat e sigurimit teknik gjatë punës.

Kërkesat për punësim

Nuk kërkohet ndonjë kualifikim formal; trajnimi dhe eksperiencia merren gjatë punës. a. Nëse ngarkoni e shkarkoni mallra e bagazhe prej avionëve atëherë duhet të merrni trajnime të veçanta, posaçërisht të lidhura me këtë profesion. b. Duhet pasur shikueshmëri dhe dëgjim shumë i mirë. Informacion shtesë Individidi mund të punësohet në kompani transporti për mallra ndërtimi me kamionë me anije apo me tren. Ata që mund të punësohen në industrinë e transportit me avionë duhet të marrin dëshmi apo garanci për figurë të pastër të personit. Gjithashtu një treg i mirë i punësimeve në këtë profesion janë kompanitë e riciklimit të mbetjeve, magazinat dhe tregjet e mëdha ushqimore, si edhe frigoriferët e mëdhenj të cilët ruajnë mallra në temperatura të caktuara për një kohë të gjatë. Pas fillimit të punës mund të merret eksperiencë e mirë për të ecur në karrierë si përgjegjës i brigadës së punëtorëve të ngarkim shkarkimit.

Shembuj të punësimeve të përfshira në këtë profesion që klasifikohen në Listën Kombëtare të Profesioneve:

9333.01 Punëtor ngarkim-shkarkimi mbetjesh urbane;9333.02 Punëtor ngarkim-shkarkimi për materiale ndërtimi;9333.03 Punëtor ngarkim-shkarkimi;9333.04 Punëtorë ngarkim-shkarkimi mallrash;9333.05 Punëtor ngarkim-shkarkimi mobilësh;9333.06 Punëtor ngarkim-shkarkimi në anije;9333.07 Punëtor ngarkim-shkarkimi në avion;9333.08 Punëtor ngarkim-shkarkimi në kamionë ;9333.09 Punëtor ngarkim-shkarkimi në pajisjet frigoriferike;9333.10 Punëtor ngarkim-shkarkimi në tregun ushqimor;9333.11 Punëtor ngarkim-shkarkimi në tren

Këto mallra, në pjesën më të madhe të tyre nuk gjenden lirisht në treg me përmasat dhe specifikimet që kërkohen nga Autoriteti Kontraktor, pra kjo kontrate ka si procese prodhimin ose porosinë, e cila bëhet sipas Specifikimeve Teknike tek një prodhues, montimin ose asamblimin e mobiljeve, transportin dhe vendosjen e tyre në ambientet e Autoritetit Kontraktor përfitues.

Ky numër punonjësish është numri minimal që operatori ekonomik ofertues, jo vetëm prodhues por edhe tregjetues, duhet të kenë për zbatimin e kontratës. Kjo krijon bindjen e Autoritetit Kontraktor se operatori ekonomik duke patur një staf të kualifikuar, garanton produkte përfundimtare cilësore, të qëndrueshme dhe jetëgjata, të punuara në përputhje të plotë me specifikimet teknike dhe me standartet e kërkuara në dokumentet e tenderit. Numri i punonjësve të kërkuar më sipër është minimal dhe është vendosur duke marrë në konsideratë natyrën e objektit të prokurimit, objektin ku do të kryhet furnizimi, vendosja/ monitimi dhe kolaudimi i mallrave objekt prokurimi si dhe afatin e lëvrimit të mallit.

2.3.4 Operatori ekonomik duhet të paraqesë çertifikata të lëshuara nga organizmat e vlerësimit të konformitetit, të akredituara nga organizmi kombëtar akreditues, ose organizma ndërkombëtare akreditues, të njohur nga Republika e Shqipërisë, në përputhje me objektin e prokurimit, si më poshtë:

- a) ISO 9001 “Mbi sistemet e menaxhimit të cilësisë” ose ekuivalent (e vlefshme në datën e hapjes së procedurës);

- b) ISO 14001 “Mbi Sistemet e menaxhimit të mjedisit” ose ekuivalent (e vlefshme në datën e hapjes së procedurës);

Argumentimi: Kjo kërkesë është në përputhje me pikën 1 të nenit 79 të Ligjit nr.162/2020 “Per Prokurimin Publik” i ndryshuar, ku përcaktohet se: “1. Autoriteti ose enti kontraktor për të vërtetuar se punët, mallrat ose shërbimet, objekt prokurimi, i plotësojnë kërkesat e cilësisë, mund t’u kërkojë ofertuesve të paraqesin certifikatatë lëshuara nganjë organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë. Kjo dispozitë zbatohet edhe kur kërkesat teknike u referohen kualifikimeve të kandidatit ose të ofertuesit.”. Ky kriter gjen mbeshtetje ne piken 1 te nenit 44 te VKM nr 285 date 19.05.2021 “Per Miratimin e Rregullave te Prokurimit Publik”ku percaktohet se: “1. Autoriteti/enti kontraktor, për të vërtetuar se punët, mallrat ose shërbimet, objekt prokurimi, I plotësojnë kërkesat e cilësisë, mund t’u kërkojë ofertuesve të paraqesin certifikata të lëshuara nga një organ i vlerësimit të konformitetit, i akredituar nga organizmi kombëtar i akreditimit ose organisma ndërkombëtarë akreditues, të njohur nga Republika e Shqipërisë, vetëm nëse ato janë të argumentuara dhe të lidhura ngushtësisht dhe nëmënyrë të drejtpërdrejtë me objektin e prokurimit.”

ISO 9001 ose ekuivalent përcakton kërkesat për një sistem menaxherial të cilësisë dhe mund të implementohet dhe të certifikohet nga çdo shoqëri, pavarësisht dimensioneve apo fushës së aktivitetit. (e nevojshme për objektin e prokurimit, të cilin AK kërkon të kryhet me cilësi dhe në kohë). Duke parë objektin e prokurimit, autoriteti kontraktor vlerëson të nevojshme të kërkojë që operatorët ekonomikë ofertues të jenë të pajisur me certifikata të cilësisë në përputhje me objektin e prokurimit, me qëllim që furnizimet të kryhen me cilësi sipas certifikatës ISO të mësipërme.

AK Vlerëson të nevojshëm certifikimin e subjekteve ofertues me ISO 14001 ose ekuivalent, me qëllim garantimin se operatori ekonomik gëzon konfirmimet e nevojshme nga organizmi i vlerësimit të konformitetit, se ka ndërmarrë masa proaktive me qëllim minimizimin e ndikimit negativ në mjedis, si dhe zbaton kuadrin rregullator përkatës në fuqi për mbrojtjen e mjedisit. Kjo qasje proaktive ndaj menaxhimit mjedisor mund të rezultojë në përfitime të prekshme, të tilla si reduktimi i mbetjeve, ruajtjes së energjisë dhe kursimeve të kostos.

2.3.5 Operatori ekonomik pjesëmarrës, duhet të paraqesë një **deklaratë**, me anë të së cilës merr përsipër të kryejë **shërbimin e transportit** të artikujve objekt prokurimi në adresën e përcaktuar nga autoriteti kontraktor përfitues.

Argumentim: Kërkesa e mësipërme është përcaktuar bazuar në nenin 77 pika 4 të ligjit nr. 162, datë 23.12.2020 “Për prokurimin publik” të ndryshuar dhe nenit 40, pika 8, të VKM nr. 285, datë 19.05.2021 “Për miratimin e Rregullave të Prokurimit Publik”, të ndryshuar. Me anë të këtij kriteri kërkohet që operatorët të sigurojnë autoritetin kontraktor se transporti i mallit do të realizohet në kohë dhe në vendin e caktuar nga Autoriteti Kontraktor përfitues.

Të gjitha dokumentet duhet të jenë origjinale ose kopje të noterizuara. Rastet e mosparaqitjes së një dokumenti, ose dokumente false dhe të pasakta, konsiderohen kushte për skualifikim.

Kriteret për kualifikim vendosen që t'i shërbejnë autoritetit kontraktor për njohjen e gjendjes dhe kapaciteteve të operatorëve ekonomikë, të cilët, nëpërmjet dokumentacionit të paraqitur duhet të vërtetojnë se zotërojnë kualifikimet e nevojshme teknike, profesionale, kapacitetet ekonomike, financiare dhe organizative, makineritë, pajisjet e asete të tjera fizike, reputacionin dhe besueshmërinë, përvojën e duhur, si dhe personelin e nevojshëm, gjithçka në funksion të realizimit me sukses të kontratës.

II. Argumentimi i specifikimeve teknike :

Specifikimet teknike janë hartuar dhe miratuar nga autoriteti kontraktor përfitues Drejtoria e Administratës Publike bazuar në specifikimet teknike të unifikuara nga Organi Qendror Blerës, të publikuara në faqen zyrtare të Operatorit Blerjeve të Përqendruara www.obp.al, dt 07.05.2025 ne perputhje me nevojat e tyre dhe ne menyre qe te perputhen dhe pershtaten me ambjentin ku ato do te montohen. Specifikimet teknike shprehin tërësinë e elementeve më të rëndësishme përbërëse, që garantojnë cilësinë e kërkuar, dhe në përputhje të plotë me funksionet e kërkuara nga Autoriteti.

Më poshtë po paraqesim kodet përkatëse dhe përshkrimet sipas katalogut të OBP-se dt 07.05.2025 i publikuar ne faqen elektronike www.obp.al (referoju katalogut):

Kodi 26. 128 x 48 x 92 cm Raft për dosje (etazher) Skeleti dhe kapaket do jenë prej materiali pllake zdrukthi e melaminuar me trashësi 1.8 cm. Xokola do jetë 10 cm e lartë, e mbuluar dhe prej të njëjtit material. Bordet anësore të skeletit, sergjeneve dhe kapakëve të jenë të veshura me material plastik PVC me trashësi 0.8mm. Poshtë fiankeve do ketë këmbëza me mekanizëm nivelues. Suprina do te jete pllake zdrukthi e melaminuar me trashësi 2.5 cm dhe e borduar me PVC 0.8 mm. Dollapi brenda dy kapakëve do jetë i ndarë në dy pjesë horizontalisht me anë të një sergjeni me lartësi të regjistrueshme dhe në dy pjesë vertikalisht. Kanatet do te montohen me mentesha me thithje Kapakët do mbyllen me çelës. Shpina e mobiljes me fibër 4 mm. Dorezat dhe aksesorët e përdorur të jenë cilësorë mundësisht prej metali të kromuar. Të plotësojë kërkesat e Standartit EN 16122:2012, EN 16122:2012/AC:2015

Kodi 10. 45 x 45 x 180 cm Dollap për dosje një kanatesh Skeleti dhe kanatet duhet t ë jenë prej materiali pllake zdrukthi e melaminuar me trashësi 1.8 cm. Sergjenet do jenë prej materiali pllake zdrukthi e melaminuar me trashësi 1.8 cm. Xokula do të jetë 8 cm e lartë dhe prej të njëjtit material. Bordet anësore të skeletit, sergjeneve dhe kanateve të jenë të veshura (borduara) me material plastik PVC me trashësi 0.8 mm. Kanati të mbyllen me çelës. Pjesa e brendshme të ndahet në 5 hapësira nëpërmjet 4 sergjenëve me mundësi regjistrimi sipas nevojës. Dollapi te jetë i pajisur me tapa plastike kundër gërvishtjes. Kanatet do të montohen me mentesha me thithje . Shpina e mobiljes të jetë fibër 4 mm trashësi. Të plotësojë kërkesat e Standartit EN 16122:2012, EN 16122:2012/AC:2015

Kodi 129. 190 x 80 x 76 cm Tavolinë pune rang drejtuesi, material MDF Tavolina e punës do të realizohet me MDF, ku në pjesën e jashtme do të jetë e rimesuar me rimeso me rimeso anigre dhe

do të lyhet me llak transparent dhe pigment druri sipas kodit përkatës. Tavolina do të jetë e përbërë nga dy pjesë, ku në njërën pjesë suprina e tavolinës do të jetë me përmasa 190 x 80 cm, lartësia e tavolinës nga toka 76 cm dhe pjesa e sirtarëve me dimensione 210*60*60 cm. Suprina e tavolinës dhe faqet anësore do të kenë spesor

17 mm, të cilat në faqen e jashtme do të jenë të rimesuar me rimeso anigreje. Faqja ballore, e cila ka kanelura, do të ketë spesor 17 mm dhe kjo do të jetë e rimesuar me rimeso anigreje dhe e lyer me llak transparent. Profilet do të jenë strukturë metalike prej çeliku, me profile 50 x 20 mm, të punuar në të ftohtë ose këmbë me funde të rrotullueshme. Lyerja do të jetë realizuar me fushe elektrostatische dhe të ofrojë rezistencë të shkëlqyer kundër gërvishtjes, fërkimit dhe ndryshkjes. Elementet e sirtarëve do të jenë të rimesuar me rimeso anigreje dhe të lyer me llak transparent, ndërsa pjesa e brendshme e sirtarëve do të jetë e realizuar me pllakë zdrukthi të melaminuar të bardhë. Duhet të kihet kujdes në montimin e pjesëve përbërëse, pasi nuk duhet të jenë në dukje vidat e bashkimit. Të plotësojë kërkesat e standartit SSH EN 527-1:2011, SSH EN 527- 2:2016 + A1:2019 (EN, e njëvlefshme ose e përditësuar)

Kodi 135. 90 x 65 x 40cm Kredencë e ulët (65 cm), drejtuesi Skeleti dhe sergjenet do jenë prej materiali MDF të melaminuar me trashësi 2.5 cm. Veshje me rezistencë të lartë kundër gërvishtjeve dhe njollave. Xokola do jetë 10 cm me këmbë inoksi në formë U-je. Bordet anësore të skeletit, sergjeneve dhe kapakëve të jenë të rrethuara me material plastik PVC 0.8 mm. Lartësia totale do të jetë 55 cm pa lartësinë e xokolës, do të ketë kapakë prej materiali MDF të melaminuar, me trashësi jo më të vogël se 1.8 cm. Dollapi brenda këtyre dy kapakëve do jetë i ndarë në dy pjesë me anë të një sergjieni me lartësi të regjistrueshme. Hapja e kanatëve duhet të jetë pa doreza dhe aksesoret e përdorur të jenë cilësorë. Të plotësojë kërkesat e standartit SSH EN 527-1:2011, SSH EN 527- 2:2016+A1:2019 (EN, e njëvlefshme ose e përditësuar), SSH EN 13721:2004

Kodi 148. 34 cm x 34 cm x 180 cm Varëse rrobash statike druri Varësja të jetë statike, materiali prej druri të lustruar. Të paktohen që të mos dëmtohen gjatë transportit. Ngjyrat janë të ndryshme dhe përcaktimi i saktë i tyre do të bëhet në kushtet e lidhjes së kontratës.

Kodi 78. Poltron rrotullues (drejtuesi) Me tapiceri prej lëkure ekologjike, me shpinore të lartë. Me një mekanizëm që lejon fiksimin e pozicioneve të ndryshme të përshtatshme në ulje. Shpinorja duhet të jetë e përshtatshme në pozicionet vertikalisht si dhe para e prapa. Duhet të ketë krahë anësore. Të ketë përshtatëse piston me gaz për nivelimin e lartësisë. Thellësia e ulëses e përshtatshme për përdorues të rritur. Bazamenti duhet të jetë metalik ose plastik me 5 degëzime në formë ylli dhe me rrota sferike në ekstremet e tyre. Të plotësojë kërkesat e standartit SSH EN 1335-1:2020+A1:2022, SSH EN 1335-2:2018

Kodi 128. (128x80x78) Tavolinë pune e veçantë, drejtuesi Suprina pllakë zdrukthi e melaminuar me trashësi 3.6 cm dhe të jetë një plan i pandarë në pjesë të veçanta. Veshje me rezistencë të lartë kundër gërvishtjeve dhe njollave. Këmbët janë me planë të të njëjtit material dhe trashësi të suprinës. Bordet anësore të planit të punës dhe të këmbëve të jenë të veshura me PVC 0.8 mm. Bashkimi i planit të punës me këmbët bëhet në mënyrë të tillë që i jep tavolinës pamje solide dhe të rëndë. Pjesa ballore me pllakë zdrukthi 18 mm është e pozicionuar e tillë që realizon bashkimin

e planit të punës me këmbët e tavolinës dhe qëndron në një hapësirë 40 cm, nga plani i dyshemesë. Aksesorët që përdoren për montimin e elementëve të tavolinës të jenë cilësorë. Në planin e punës të jenë të hapura dy vrima, në të cilat fiksohet një mekanizëm plastik në formë cilindri dhe bën të mundur kalimin e kabllave nga lart poshtë dhe anasjelltas. Këmbët të jenë me mekanizëm nivelues. Të plotësojë kërkesat e standartit SSH EN 527-1:2011, SSH EN 527- 2:2016 + A1:2019 (EN, e njëvlefshme ose e përditësuar), SSH EN 13721:2004

Kodi 25.(90x45x200) Raft për dosje, material MDF Raftet do të realizohen me MDF, ku në pjesën e dukshme ajo do të jetë të veshur me rimeso druri si tavolinat e zyrës përkatëse dhe do të jenë të lyera me llak transparent me ngjyrë natyrale. Pjesa e poshtme do të jetë me kapakë me MDF me lysterje deri në lartësinë 75 cm dhe do të ndahet hapësira me anë të një sergjëni. MDF që do të përdoret do të ketë spesor 18 mm. Dorezat do të realizohen me frezim. Duhet të kihet kujdes në montimin e pjesëve përbërëse, pasi nuk duhet të jenë në dukje vidat e bashkimit. Në pjesën e poshtme do të vendosen tapa fundore plastike me lartësi 3 cm në kontaktin me dyshemenë. Pjesa e mbrapme e dollapit do të jetë me MDF me lysterje me trashësi 7 mm. Pjesa e sipërme do të jetë me kanata prej xhami me korniza inoksi 20 x 20 mm. Xhami do jetë transparent me trashësi 4 mm. Hapësira brenda kapakëve të xhamit do ndahet në tre hapësira me anë të sergjeneve që janë të regjistrueshëm sipas nevojës. Dorezat dhe aksesorët e përdorur të jenë cilësorë mundësisht prej metali te kromuar. Të plotësojë kërkesat e Standartit EN 16122:2012, EN 16122:2012/AC:2015

Kodi 144. Varëse rrobash Koka duhet të jetë e pajisur me 5 ganxha mbajtëse dhe 5 varëse të harkuara. Diametri rrethor bazamenti mbajtës D: 48- 50 cm; Boshti metalik L: 175-180 cm; Diametri i boshtit metalik: minimumi 5 cm; Mbajtëse për çadrat diametri: 27 cm me 4 vende

Kodi 116. Tavolinë pune 180 x 80 x 75 cm Suprina pllakë zdrukthi e melaminuar me trashësi 36 mm. Veshje laminati me rezistencë të lartë kundër gërvishtjeve dhe njollave. Këmbët janë me planë të të njëjtit material dhe trashësi të suprinës. Bordet anësore të planit të punës dhe të këmbëve të jenë të rrethuara me material plastik PVC 0.8 mm. Bashkimi i planit të punës me këmbët bëhet në mënyrë të tillë që i jep tavolinës pamje solide dhe të rëndë. Pjesa ballore është e pozicionuar e tillë që realizon bashkimin e planit të punës me këmbët e tavolinës dhe qëndron në një hapësirë 40 cm, nga plani i dyshemesë. Aksesorët që përdoren për montimin e elementëve të tavolinës të jenë cilësorë. Në planin e punës të jetë e hapur një vrimë, në të cilën fiksohet një mekanizëm plastik në formë cilindri dhe bën të mundur kalimin e kabllave nga lart poshtë dhe anasjelltas. Këmbët të jenë me mekanizëm nivelues. Të plotësojë kërkesat e standartit SSH EN 527-1:2011, SSH EN 527- 2:2016 + A1:2019 (EN, e njëvlefshme ose e përditësuar)

Kodi 40. 45x 60x 65 Komodinë zyre Materiali i përdorur do jetë pllakë zdrukthi e melaminuar me trashësi 1.8 cm. Veshje laminati me rezistencë të lartë kundër gërvishtjeve dhe njollave. Bordet anësore të elementëve përbërës të jenë të veshur me material plastik PVC me trashësi 0.8 mm. Duhet të jetë e pajisur me tre sirtare. Shinat e sirtareve me thithje. Fundi i sirtarëve dhe shpina me fibër 4 mm trashësi. Do të mbështetet mbi katër rrota sferike me lartësi 5 cm. Dorezat e kanatëve dhe aksesorët e përdorur të jenë cilësorë. Të plotësojë kërkesat e Standartit EN 16122:2012, EN 16122:2012/AC:2015

Kodi 34. 90x 45 x 200 cm Max 100x 55 x 210 cm Raft librash i hapur Raft librash me minimum 4 hapësira dhe një dollap i poshtëm me dy kanata deri në lartësinë 75 cm pa lartësinë e këmbëve. Pjesa e sipërme ndahet në tre hapësira nëpërmjet dy ndarëseve. E gjithë struktura dhe ndarjet e brendshme janë të përbërë nga pllakë MDF e melaminuar me trashësi 18 mm, me ngjyrë të bardhë dhe bordet e tyre janë të veshura me material PVC me trashësi 0.4 mm me ngjyrë të bardhë. Kanatat kapen me mentesha me thithje me hapje deri 110° dhe me bord PVC me 0.8 mm trashësi. Rafti mbështetet mbi këmbë metalike 6 cm lartësi. Shpina e mobiljes me fibër 4 mm trashësi ngjyrë e bardhë. Aksesorët e përdorur (doreza, mentesha) të jenë cilësore. Të plotësojë kërkesat e Standartit EN 16122:2012, EN 16122:2012/AC:2015

Kodi 143 Gjatësia 180cm, diametri I bazamentit 43cm Varëse rrobash (kokë prifti) metalike. = Varësja duhet të jetë komplet metalike. Konstruksioni qëndror i trupit të varësës duhet të jetë metal me diametër 2.8-4 cm, ndërsa degëzimet mbajtëse duhet të jenë me diametër minimal 2 cm dhe skajet e tyre të punuara me gdhendje rrethore. Varësja ne lartësinë 60-70 cm duhet të ketë edhe mbajtësen e çadrave ne formën e një strukture rrethore metalike. Varësja duhet te jetë e pajisur me 8- 10 mbajtëse anësorë

Kodi 168. Karrige ergonomike (me mbështetëse koke) Baza e karriges të jetë metalik në formën e yllit me 5 këmbëza në përmasat të përafërta 650 -670 mm. Karriget të jenë rrotulluese dhe me rrota dyfishe, të përbëra me material termoplastik, i përforcuar (poliamide). Karrigia të jetë e pajisur me piston gazi për rregullimin e lartësisë. Mekanizmi mbështetës i ndenjësës duhet të jetë me mekanizëm "Synchro" dhe i bërë nga alumini dhe çeliku. Të lejojë shtrirjen e sinkronizuar të sediljes dhe mundësi stabilizimi ne 4 -5 pozicione. Ndenjësja duhet të ketë mekanizëm me sistem "anti -panik" dhe një sistem rregullimi për shtrirje të balancuar sipas peshës së përdoruesit. Ndenjësja të jetë prej poliamidi të derdhur me injeksion (PA6). Mbushja me shkumë poliuretani i zgjeruar me trashësi jo më pak se 50 mm, i cili të jetë i veshur me susta dhe me stofin e zgjedhur. Dimensionet e ndenjësës: gjerësia jo më pak se 480 mm, thellësia jo më pak se 480 mm. Pjesa e mbështetëses të ketë një kornizë anatomike të bërë nga poliamidi termoplastik, mbi të cilin rrjeta e pasme të vendoset në mënyrë të tillë që presioni të shpërndahet në mënyrë të barabartë. Pjesa e pasme duhet të ketë një mekanizëm të pavarur të rregullimit të lartësisë në jo më pak se 5 pozicione të ndryshme. Përveç kësaj, pjesa e pasme duhet të sigurojë një mbështetje të mesit, të integruar, me rregullim të lartësisë për rehati më të madhe. Mbështetësja të jetë në dimensionet të përafërta 570 x 475 mm. Karrigia duhet të ketë mbështetëse koke të rregullueshme në lartësi e bërë prej material termoplastik, shkumë poliuretani dhe tapiceri e të njëjtit material si ndenjësja. Krahët e karriges të jenë prej poliamidi termoplastik dhe të mund të rregullohen në lartësi, distanca nga sedilja 140 -240 mm. Sipërfaqja e kontaktit te krahët të jetë e bërë nga poliuretani i derdhur me fortësi mesatare për rehati dhe ergonomi më të madhe, të lëvizshme majtas -djathtas, lart - poshtë dhe para -mbrapa. Materiali i tapicerisë të jetë ekologjik sipas standarteve të çertifikimit. Pësja e karriges 16 -18 kg. Të plotësojë kërkesat e standartit SSH EN 1335 -1:2021, SSH EN 1335 -2:2018

Kodi 48. (100 x 40 x 230) Skeleri metalike për arkivë Skeleria (raftet) duhet të jenë prodhime cilësore dhe solide. Skeleria metalike të jenë sisteme modulare të përmasave të ndryshme, çka i

bën ato ti përshtatën sa më mirë dhe pa humbje hapësire çdo ambienti e nevoje. Pjesët përbërëse të skelerisë duhet të jenë: Kolonat, Sergjenet, Lidhëset e kolonave, Tapat për kolonat, Aksesorë të ndryshëm fiksues në varësi të vendit dhe mënyrës së vendosjes. Kolonat të jenë prej metali cilësi e parë, me spesor jo më të vogël se 1.2 mm. Kolonat të jenë me dallgëzime të studiuara, në mënyrë që të mbajnë pesha të rënda dhe me fole në çdo 5 cm, të cilat shërbejnë për futjen e ganxhave mbajtëse të sergjeneve. Sergjenet të jenë prej llamarine me trashësi (spesor) 0.8 - 1 mm. Përmasat e sergjeneve të jenë 100 x 40 cm. Anët e sergjenit të jenë të kthyera të paktën tre herë , si edhe të ketë një lartësi prej 3 cm. Peshëmbajtja e një sergjeni të jetë 200 kg (peshë) e shpërndarë. Fiksimi i sergjeneve të bëhet me ganxha. Skeleritë metalike të jenë krijuar në mënyrë që të lidhen linearisht me njëri -tjetrin. Të plotësojë kërkesat e Standartit EN 16122:2012, EN 16122:2012/AC:2015

Shënim: Për çdo çertifikatë, standart, markë, emër i veçantë, patentë, vizatim ose tip, origjinë specifike, prodhues ose sipërmarrës të përmendur më lart, pranohet edhe ekuivalenti i tyre.

Për të krijuar dosjen e tenderit në sistemin e prokurimit elektronik të APP dhe për të ngarkuar të gjithë dokumentacionin e procedurës së prokurimit Njësia e Prokurimit autorizoi personin përgjegjës për prokurim.

NJËSIA E PROKURIMIT